

四庫全書

集部

欽定四庫全書

集部

錢塘集卷五

詳校官庶吉士臣馬履泰

檢討臣何思鈞覆勘

總校官檢討臣何思鈞

校對官編修臣楊壽楠

騰錄監生臣葉立翹

欽定四庫全書

錢塘集卷五

宋 韋驥 撰

和立春日東風雪意偶作

統統城頭五鼓催  
東風連夜逐春回  
物心方喜寒威改  
雲色猶將雪意來  
戟戶勸農牛破土  
琴堂介壽螳浮醅  
何妨盈尺饒嘉瑞  
發滯開萌有迅雷

和山城燈夜

山城燈夕興厭厭俗樂年豐令節參竿首挂星還拱北  
雲中迴鴈倦圖南笙簫度曲喧芳席綵翠交光結秀巖  
邦伯欲歸人戀戀帳兵休報鼓聲三

上元後南溪泛舟聯句

野渡半篙水春風一葦航

繹

柳梢舒嫩綠梅萼泛幽香

驥繡羽驚波起翠鱗跳日光

繹

環城得佳趣清思滿高

塘驥

和適意

陽春催物態清暇養天和求外於情薄陶真所得多梅  
苞新爛熳松影舊婆娑此日銜盃樂何如鼓腹歌

和春陰倦遊

鈴閣興何幽公庭訟不留未能清晝寢偶作夾城遊竹  
色仍煙翠梅香趁水流持杯聽暮角一任起樓頭

和新晴

泛鷁兼乘竹高低秀色間鴨頭生野水鳳翼展晴山紀  
撫青春態消磨白日閒郡園雙白鷺投晚逐人還

謝惠瓦墩

百尺危亭舊路榛  
自公呼吸變蘭蓀  
更憐數奉親輿到  
分惠芳齋碧瓦墩

謝惠山花菜

鈴下瑠盤送山蔬  
雅惠沾亂絲  
銀鯽鱠交疊  
玉龍髯日膳  
榮分美  
晨羞荷見添  
題詩授來使  
珍重豈知饜

和見招遊城東園

東城老圃埽青苔  
竹栢深中一逕開  
桃藥柳芽俱有意

安排春態待公來

賦新筍

用杜子美詩  
語為首句

竹裏行厨洗玉盤  
旋抽新筍正檀欒  
柔鞭乍斷泥猶濕  
嫩穉初苞蘚未乾  
象箸偶存遺樣短  
瓊林纔拆冷光寒  
如何且緩瑯觴薦  
留作青林虎豹看

退之詩云看  
皮虎豹存

迎春花

欺梅壓柳肯相然  
佳號迎春豈浪傳  
細葉茸茸垂綠髮  
繁英璨璨簇金鈿  
先時不入林鶯妬  
晚節唯容露菊鮮

繡在羅衣真有趣不將紅紫累嬋娟

以前韻作春寒攀迓

春寒山色似昏煙風度譙門晝漏傳露柳軟條金綴紐  
雨苔圓點翠遺鈿登樓引領情方遠行帳來詩墨尚鮮  
坐想琅邪歸路晚兩行紅蠟代嬋娟

再和春寒

雲迷曉日山頭閣風落春梅水面香十里郊原皆有趣  
一番歌吹從尋芳佳辰浩蕩情懷愜化國優游晷刻長



更把高才酬勝景他年吟誦信難忘

賦石碁子以機字韻

靈岩山下石採拾比珠璣園璞生雖小文楸數可圍紛  
紜星並賈黑白玉爭輝賦質神工妙磨礪俗巧非透闕  
經手耐爭道轉心稀落落無情甚誰爲勝負機

滁上間日陰晴聯句

陰晴淮海氣何殊一昔風光互慘舒

繹

大塊養春禪造

化繁雲間日蔽居諸

驥

暖回沙磧催來鴈寒徹冰池怯

上魚

釋

山色晦明如代謝花枝涼曝似相於

驥

朝暾忽

蕩川原淨夕翳還籠井落踈

驥

快適得朋醜醜酒困眠

無興讀殘書虹霞灼灼飛琳館煙靄濛濛襲隼旟

釋

定

與物情均燥濕殆非星好有盈虛

驥

連空雪意迷高柳

遶舍陽和坼嫩蔬

釋

林外昏鷓啼野盡城頭新月上簾

初驥

和觀新厯

玉琯初回太簇春新頌中朔到淮濱眼前節物南來鴈

出處知時似智人

龍蛇蟄久待春雷鴻雁圖南去却回山國不驚時節改  
九天新賜歷書來

雨後城上種蜀葵效輓轡體聯句

不憚移根遠姑憐向日姿春風從自得釋夜雨况相資

敏速飛霜釁娑娑擁碧枝幽葩茲有待驥雜卉漫多奇

野藿非余尚庭蘭盍爾知釋傾心安所守衛足豈其私

得地何妨徙驥干霄固可疑采幢須夏節綠餅與秋期

莫以蕞生陋

繹

唯其秀出宜遷非拔茅進愛豈握苗為

驥

色解凌溪錦花應當酒卮遶欄窠尚小

繹

傍砌影猶

卑援護情宜倍栽培力已施

驥

桃蹊容爛熳竹迳聳參

差不待毛嫵妬

繹

何嫌魯相辭土培憂壓嫩竹插為扶

歌踈密齊行列

驥

芳華遁疾遲纖莖簪間導繁藥珥交

垂

繹

恐踐禽須逐防侵草必夷養完先固本採折俟乘

時屢戒園夫守

驥

頻煩墨客窺拾來同地芥吟就比江

蘼泛與蕭蒿長偏饒雨露滋何如君子德修直任榮衰

繹

和荅代簡二絕

遠想陰雲鎖碧山  
坐聽簷溜響潺潺  
却驚漏洩洪鈞妙  
變化風雷頃刻間

曉風吹聚幾山雲  
掩抑朝暉氣候昏  
想望城頭飛蓋阻  
郡齋應樂舊書溫

和城頭相望

雨餘山溜漲春溝  
欲上危亭奉燕遊  
前望籃輿轉城角

恍疑仙步在鰲頭

畫舫泛春偶聯一絕

近郭風光日日新  
城頭溪上互尋春  
驥欲知昨日籃輿

客便是今朝畫舫人

繹

和野步自幽谷之寺莊

出郭愛暄韶  
芳蹊接澗橋  
輕車侵草色  
飛蓋拂林梢  
自得行春樂  
且無眠晝嘲  
淺黃香柳嫩  
淡碧辨山遥  
此院遊曾記  
他林隱倦招  
放懷天地濶  
落日聽歌樵

茅亭觀雨中杏花得中字

茅亭高對杏花叢  
漠漠陰雲小雨中  
蜀錦濯來添潤色  
燕脂洗出變輕紅  
幽香肯怯殘梅妬  
膩艷尤便弱柳籠  
不改晴陽老芳態  
令人曲意度春工

幽谷謝惠新釀家饌奉親

花裏深深使語傳  
銀壺乘酒副珍鮮  
翰林舊德垂情至  
鶴髮慈親荷惠偏  
壽琖此時添樂只  
綵衣今日倍忻然  
却吟鄙句通鈴閣  
匪報尤慙木李篇

和櫻桃花開帳飲口占

櫻桃花裏置行厨一榼瓊漿數尾鱸  
勇起紅芳集賓履  
玉山傾倚照冰壺

又和行字二韻

東風如酒醉朱櫻終日酣酣弄秀英  
天上謫仙乘興賞  
一番歌吹傍雲行

和正閏晦日

孟陬閏晦半春光夜刻初消晝刻強  
谷鳥有聲皆得意



林花無處不飄香  
池經夕雨添新綠  
柳舞東風發故狂  
亭壓高城延過躅  
湛然清興引盃長

和春晚過幽谷口占

先春當日探芳芽  
瞬息而今已落花  
碧實有心應見笑  
豈須新艷引流霞

又和至叢山堂口占

殘紅新綠媚朝晴  
脚到叢山眼倍明  
春老物情皆有趣  
只因猶欠早鶯聲

和小雨乘興遊城西竹園

冷逼林坳笋未筠潤通花底砌無塵且傾文舉盈樽酒  
莫惜林宗折角巾

和會飲牡丹叢間

移樽近檻就香多輒效花前小子歌願擴酒腸無惜醉  
淡紅樓子獨嵯峨

倒用前韻

宛轉眉山效蜀峨花前執板為清歌歌聲暗與春風合

催折芳心不厭多

再和前韻仍以峨字為首尾

峨冠莫惜插花多多插名花壯醉歌歌罷襟懷肆夷曠  
願平羣險剗嵯峨

和山行迴坐臨清橋啜茶

雲輶迴處引笙簫疑向春宵度鵲橋橋上茗杯烹白雪  
枯腸搜遍俗緣消

再和

醉向溪頭按洞簫夜瞻略約似星橋清歡未足班荆坐  
一任紗籠燭炬消

暮角清聲雜鳳簫一時冠帶似園橋謫仙詩句春泉湧  
萬斛量愁頃刻消

偶疾未平不得預龍蟠之遊輒成詩以迂還旆

山城春物已闌珊病肺朝來強自寬疲薊未堪隨驥尾  
高明空想到龍蟠日烘欄楯花枝卧風袞階除柳絮團  
索筆題詩待迴馭肯將塵語累清歡

牙城話別口占

移節名藩去有期  
牙城重上思依依  
落花也似人情戀  
撲袂飄香不浪飛

餞別勸飲

垂楊樓上卷珠簾  
歌扇輕搖落絮黏  
邦伯指期移絳節  
州人終日擁彤襜  
危絃脆筦催金盞  
芳草青山照畫簷  
醕酌願公無惜醉  
祇應羲馭駐峯尖

送別迴作

祖餞初還重化違懶鞭款段入城扉旌旗人去山川晚  
臺榭春歸花藥稀鼓吹漸遙空望望旄倪相顧共依依  
自憐無以紓誠戀唯有詩筒殆庶幾

和耿天隲翦綵梅花得開字

根如芝草不因栽葉似春雲容易開應有靚粧偷艷去  
且無狂蝶為香來殷勤玉盞頻飛舉酬酢金刀巧剪裁  
爛賞更於何處好蟾光雪色在瑤臺

元日

簇律新聲應寅杓舊觀還三朝思北闕萬壽祝南山謬  
忝金閨籍遐違玉笋班山城濡滯迹望日想天顏

席上勸仲元著作勿辭酒

百盞先嘗一盞醇三分纔破一分春花間剔火香煙細  
竹外垂縑畫筆新落日穿林照簷額緒風吹草動堦脣  
莫愁酩酊辭公勸金竿空時迹已陳

和蘇正甫勸飲之作

芳陌草萋萋相逢又解携柳梢迷綠酒歌韻怨春低蘭

菊時難一鷓鴣樂自齊送君須滿飲未放錦障泥

賦迎賞欲開杏花得花字

閨月春光助物華杏園迎賞欲開花畫慵閨繡工猶淺  
曉起宮粧色漸佳嫋嫋風枝偏弄送酣酣煙藥自交加  
對君安得辭昏醉更作狂歌恣所夸

又用花字為即席

春色漫漫不可涯謫仙亭館最幽佳歌聲闌逐風中絮  
酒筭旁看盞裏花擊鉢題詩助清曠藏闈傳令止喧嘩



他年追念從真適炊熟黃粱一夢賒

陪秋叔遊幽谷即席賦一川花

城南幽谷去非賒踏石穿雲境趣佳門下車魚情淡洽  
道旁旌旆影鬢髮笙簫宛轉隨風遠臺榭參差對日斜  
白玉為船載瓊醕未容輕負一川花

和社日小飲

挑菜佳辰過夕醺又逢春社舉清罇不為歸遺東方態  
且對韶妍一醉昏

賦牡丹黃蘗

依欄凋謝若為情  
旋拾殘紅入鼎烹  
吞秀嚼香須細細  
送春唯此一杯羹

和范子功學士留題二賢堂

屹然榱桷傍雲烟  
榜揭堂名以二賢  
翰苑鉅公存往躅  
集仙膚使出新篇  
寒光共杳山椒月  
幽韻相投隴下泉  
一等聲輝驚海內  
後先蹤迹似忘年

真守侯公輔見留之勤  
因辭以詩言欲遽往早還

之意

洗滌炎蒸夕雨涼  
瞥然行役過鄰邦  
旅懷耿耿通秋漏  
征舸蕭蕭倚暮江  
禮豆輒辭蘄義許  
緒言傾聽祇心降  
莫疑踪跡便奔走  
雲下孤親雪鬢雙

夜宿淤丘

古岸維舟夜向深  
胡床踞坐絕囂音  
烟林隱隱成孤壘  
水月輝輝滉碎金  
勉強官途情易厭  
衝蒙狙詐力難任  
予心欲道從誰語  
祇有清宵一苦吟

泛滁河

十里之間五六灣行舟終日繞青山更為先後楓林翠  
互出東西古屋閒酒為孤斟心易倦詩非共賦思仍慳  
秋風颯颯吹襟袂可是無情促鬢斑

出滁口入江峽

逆風吹浪雪花翻舟出滁河浩蕩間拖轉一聲鳴似鼓  
櫓搖數丈漩如環路通淮右千源水望斷江南一帶山  
莫恨區區緣吏役此時清曠亦開顏

和徐仲元以詩見送

火雲湧起勢崔嵬行舸紗窓一一開自是宦途無定迹  
莫嫌臺檄屬非材往還倏忽南柯夢離合殷勤北海壘  
更謝人爲離別語果然朝暮得歸來

吳六合道原席上

單舸西來六月初偶逃遠役且躊躇幽尋古寺塵懷放  
高會虛堂暑氣除地主延留情已厚故人邂逅樂何如  
迴頭陳迹無尋處姓字閒於壁上書

李白祠堂

祠宇前臨姑熟溪溪流湛湛清無泥  
春來秋去幾百載朝雲夜月長相繫  
堂間畫像冰玉質高風爽氣何淒淒  
文章光焰本萬丈來此寂寞由讒擠  
當時放蕩沉清骨因有聲名不漂沒  
莫論楚屈與吳胥誰有高才追髣髴

姑熟州宅後泛舟清飲

古郡蕭蕭草木秋  
牙城北出上扁舟  
喬林有隙山微見

曲岸無風水自流竹色雅如侵  
筦斫鳥聲時似勸觥籌  
勿咤吏役行拘束酒興詩腸亦自由

過九華山

旌騎前頭是九華未能遊歷已咨嗟  
好將秀色開塵眼又被浮雲一半遮

冠幘峰

渡江行役走埃塵路過名山興味新  
冠幘危峯勿相笑儼然雲外亦辛勤

閱九華錄

仙居岩巘幾千重秀入青冥氣勢崇他日却來尋勝境  
且將圖錄記諸峯

宿九華驛阻雨

喜無簷溜滴空堦秣馬輕裝入夜催一陣松風驚曉枕  
又疑天外雨聲來

又過九華山

昔年嘗慕此山遊今日經行不暇留好意尚為塵迹累



碧雞山鳳勿相尤

登齊山

臨歧跋馬向齊山  
冉冉烟蘿試一攀  
恠石何年居物表  
白雲終日伴僧閒  
氣吞城郭紛囂外  
勢接江湖浩蕩間  
况是重陽時節近  
紫微前詠好開顏

弄水亭

清溪翠巘兩相宜  
雄構崢嶸壓貴池  
弄水得名應有謂

登山留詠想同時

弄水亭本唐刺史杜牧所作  
牧於此有登齊山詩

角聲北起

秋雲動橋影西橫晚照遲佳趣古今看  
不盡前人遺美  
後人思

離池州過長圍嶺

孤城西出夕陽偏嶺上行行思渺然草木高低共秋色  
江湖左右各天邊凌風短鬢無由掠投宿輕蹄不用鞭  
一簇人烟紫岩驛解鞍聊看月嬋娟

別滕元發待郎

塵役間關旅思收幸瞻旌戟少淹留多年目斷丹霄步

再拜心輕萬戶侯  
三節行催虎符去  
雙毛將近鳳池游  
門闌欲別徒惆悵  
吟對江山迴不休

宿揚梅驛

兩壁萬千嶂  
一邨三四家  
度橋逢古驛  
下馬踏秋花  
夜永蛩尤苦  
雲空月自華  
冷官無好趣  
安用五書車

早行

雞聲喔喔似相催  
秣馬登途酒一杯  
海日欲升山頂赤  
林霏初散嶺頭開  
自憐旅夢經千變  
誰謂離腸祇九回

苟祿奔馳還竊笑未能容易賦歸來

曉離楊梅驛

長坡峻阪足崎嶇  
曉出楊梅古驛孤  
山腹帶雲如曳練  
稻梢垂露欲流珠  
穿籬鴨脚深深碧  
近水雞冠小小株  
行役雖勞遇佳境  
且將幽句慰瘡痍

即事

舞蝶雙飛穿宿露  
鳴禽相喚弄朝暉  
澗盤石逕長蛇轉  
山入秋空翠鳳騫  
楓葉園林看自好  
菊花時節與誰論

高懷不為塵勞減安用笙簫簇酒樽

過麵山渡

碧溪深水不勝篙船尾嘔啞一櫓搖岸北岸南秋色好  
西風吹葉馬蕭蕭

食鰕

踰尺秋江鰕貨輕愧自深穿腮窺秣賴引鬣訝塗金調  
鼎情雖銳飛刀愛不任何須鱸滿箸始動季鷹心

對鑑

寒光滿尺餘拂拭在朝晡敵面知相應纖毫肯見誣壯  
顏隨歲老短髮任秋枯皦皦胸中事君能照得無

建德道中感興

穿雲度水涉脩程日日長亭復短亭秋老聲音聞過鴈  
夜涼精彩見飛螢羈懷遇物如縈絮詩思投閒似建瓴  
却羨野人收刈畢寂然無事掩柴扃

思侍

旅宦經秋厭路塵家書累日寂無聞勞身江左馳單傳

極目淮東望白雲  
俚聽難將至音悅  
天和不學衆人焚  
趨庭往往逢寒律  
叱馭迴轅兩未分

感懷

埃壘滿祇祠誰矜  
意氣豪獨知安履  
坦寧復嘆屯膏劍  
氣藏秋匣弓聲閉  
古弣臨風浩歌罷  
短髮不勝搔

憶後城覽秀亭登望

村落園林有幾家  
隔牆遙出拒霜花  
自憐馬上看秋色  
不似城頭覽物華

過查林

路向山腰轉雲從隴首飛  
曉天初衣袂村驛罕乘肥  
覽物驚秋老論心悟境非  
歸期且寬計雨雪或霏霏

落日

郊原爽氣入衣巾佳趣源源立  
馬頻落日山川無限思  
秋風江海未閒身

闡陽驛觀中秋月

却掃陰雲藉晚風十分圓月挂天東  
中秋此夜光華盛



萬國鈞情喜說同  
何處樓臺恨偏照  
幾家樽俎對寒空  
自憐獨宿荒山驛  
浩興長歌未易窮

宿壇石驛六首

秋高征袂怯西風  
寂寞郵亭倍旅悰  
獨有無心清夜月  
更深山裏也相逢

山館蕭條冷似冰  
黃昏四壁但蛩聲  
無端更惡飛螢點  
強起前簷鬪月明

歸期尚遠路程賒  
已覺秋林菊漸花  
莫恠臨風多北望

琅邪山外寄吾家

求官窮僻本藏頭  
遠冒風霜不自由  
豈是有才如碩鼠  
可能無術似蝸牛

紛紛貴賤則錙銖  
義命由來共取諸  
推己及人人所慕  
不然何以稱襟裾

獨賢安敢輒咨嗟  
靡盬當知載舊詩  
迴轡未堪期早晚  
望雲終日起親思

想廬山三首

昔年曾過九江秋引睇廬山不及遊行役今朝垂欲到  
無端牽制又迴輶

訪水尋山好已迂勝遊難必果何如二林咫尺還淹興  
空讀匡廬易覽書

走徧江南二十州廬山未到謾悠悠故知人事相邀阻  
唯想他年取次遊

適江表

水落山高古渡幽馬蹄輕健蹴溪流朝行暮止三千里

叙舊逢新一十州倦聽亂蟬催落日喜看黃菊助殘秋  
不才於世無裨補強就奔馳祇自羞

中秋十八夜雨望月阻興

賞過中秋纔兩夕人心獨待月華多也知不惜饒光照  
爭奈閒雲好事何

饒守游晉老席上偶成

西風吹葉影悠悠行役江城旅思收名慕荊州忻一見  
道經鄱水愛三秋芙蓉欲藥斜陽轉鴻鴈初飛爽氣浮

不用樽前苦相勸  
斗筲唯恨怯觥籌

再答和篇

落日山川晚鼓休  
西風樓閣遠烟收  
清談亶亶忘塵役  
醪酒深深戰暮秋  
獨恨去當霜草路  
不能留見菊花浮  
更慙健句酬衰唱  
刻燭甘輸第一籌

又和答并叙別

風騫繡額爐香轉  
江照金樽宿靄收  
塵客輕裝渡寒水  
主人佳句壓清秋  
自忘遠馭瘖兼病  
豈顧閒書沉與浮

回首高城空企望馳情無算不堪籌

龜峯

偶向塵勞得勝遊縱觀三十六峯秋巢雲負月幾千歲  
欲問神龜不轉頭

龜鳳猿鰲各定名峯峰峭恠倚青冥也知造物無情甚  
凝結如何特肖形

別鉛山楊公濟

征塵洩恣暮秋時稅鞅登堂暗澣衣久別自憐心鬱鬱

相逢今喜語霏霏  
池中盡謂蛟難畜  
塞上行看馬自歸  
落日西風滿襟袖  
臨岐迴首重瞻依

行赴雲門驛

石逕踏羊腸  
朦朧曉日光  
久行情易厭  
少事興還長  
林表霜楓赤  
山根露菊黃  
從來清冷趣  
今日倍陽陽

謝簡夫太博惠茶

越嶺掇春英  
淮城惠不輕  
一杯分爽氣  
千里想高情  
啜與幽人共  
烹宜庶子清  
揮毫答珍貺  
還愧玉川名

海陵按事

山城幽趣遠海國暮寒多  
委瑣從誰遺拘攣祇自訶  
庭虛哀度鴈巷閒絕鳴珂  
案牘縈仍外陳編亦可磨

琅邪三十二詠

并序

予官滁踰年矣每投隙遊琅邪山愛賞不知厭已雖  
數有篇句然恨其池臺亭閣景物之多而寫之不能  
盡乃為三十二詠以別之

琅邪山門



雙鶴棲華表仙山自此通雲霞是局鎖塵土若為攻

長松逕

十里開幽逕松陰互蔽虧山翁心亦侈步幃用青絲

淨鏡亭

路轉翬簷出山迴秀氣多亭名不須看對鏡已如何

翠微亭

謝屐低前齒登臨勢漸雄嵐光動衣袂知在翠微中

白雲亭

路作兩岐分亭多聚白雲無心本無戀於此尚紛紛

醉翁亭

醉翁雖已沒遺構在山阿不比陶潛石清時樂自多

薛老橋

流泉渟處濶跨石石橋橫題柱無蹤跡茫然薛老名

遜泉

兩竇涓涓瀉無何後却前誰能來酌飲迴意學相先

班春亭

雲木氣氤氲風光日日新風謠隨五馬來此聽班春

石流渠

鑿渠疏白石繞檻走清泉不為流觴醉來當滌萬緣

琅邪山

晉王曾此隱釋子住何年泉石無今古圖經有後先

迴馬嶺

有意尋幽勝躋攀固所懷如今嶺路穩鞍馬不須迴

開化寺

架巘及依崖軒窻次第開等為方外客於此更清懷

御書閣

岌岌中霄漢風傳寶閣香三朝神翰在奎壁夜交光

陽水篆

筆力真竒偉磨崖幾百年勿嫌人貴耳此學世無傳

庶子泉

宮相湮淪久茲泉日夜生泉存人不見空復著虛名

白龍泉

殿角瀟泓澄源高登地靈老僧來洗鉢不畏白龍腥

酴醾軒

詰曲小軒斜酴醾一架遮春風零落後渾似雨天花

寂樂亭

踏石穿林去披雲就坐來禪翁寂寞地猿鳥肯相猜

招隱堂

小蹊回石角締構倚山腰一片幽棲地誰令便可招

歸雲洞

石洞何時有名傳事或非却知為雨後却向此中歸

清風亭

松竹繁陰滿峯巒秀色并暑風從此度別是一般清

大厯井

竹裏藏深井攔鐫大厯春不知開鑿後幾個鍊丹人

千佛塔

礮石施丹艘凌雲勢亦孤如何千種相併在一浮圖

石庵

不獨烟霞窟天然石作庵坐禪遺跡在岩溜自香甜

曉光亭

東面雙峯缺遐瞻萬里平朝朝滄海日先向此中明

了了堂

了了還未了都忘了始真登堂知此意方悟死前身

望日臺

曾有長安客題為望日臺樵蕪人不測到此亦裴回

石屏風

造化非無意，都如圖畫中。猶嫌未奇恠，更出石屏風。

會峯亭

勝槩當衝要，回環擁翠巒。煙雲藏不得，如在掌中看。

法華池

會峯亭下路，斜帶法華池。不待觀池水，塵迷已頓離。

東峯亭

山中時節早，地勢近春華。歲歲東風至，先看傍砌花。

客舍早春



早春晴靄乍悠悠  
客舍深沈物趣幽  
日薄草頭初破甲  
風旋鳥毳偶成球  
庭柯憔悴紅猶遠  
池水澄明綠漸浮  
隱吏近來多鞅掌  
紓懷何處一登樓

栩栩亭

碧崖高處築遺基  
締構峒然得所依  
境趣似仙探絕迹  
登臨如夢悟輕飛  
路穿幽谷雲霞密  
勢接豐山草木稀  
欲識主公題榜意  
不容紛擾累忘機

偃蓋松

摧折風霜久猶傳偃蓋松只憑文筆力何必大夫封

春曉

百舌穿林語未完悠悠歸夢忽驚殘心知庭外春霜重  
裘壓單衾覺曉寒

海陵逢春

海角春初至林樊氣未和天寒梅發晚沙近鴈飛多窻  
紙疏明玉簾旌蕩翠波旅懷隨日長索莫不勝歌

感興

富貴功名豈足邀鷦鷯所得各逍遙古今多少難齊事  
燭理都如見眼消

觀飛鴈偶十有三

肅羽度春晴差肩足弟兄何時別燕塞此日類秦箏應  
律聲猶剩排空字宛成冥冥奚所滯惆悵弋人情

憶梅二首

去年幽谷探寒梅把酒曾將累句催不意今年行海角  
玉英開盡未歸來

向來踏雪舊枝旁指日相期折素香可是去春吟太苦  
閨招離別間清狂

近元夕懷景純少鄉

憶逐雙旌下暮城歲華垂盡魄哉生瞬眸已見元宵月  
歸步猶淹累日程遠想笙簫同衆樂坐憐刀筆久相嬰  
馳情只有清輝共更走詩筒代寄聲

燈花

燈燈銀檠上開榮歛爾新芳心唯報喜艷色不關春翠

幕障風穩蘭膏借潤頻屢占皆取驗始信有花神

水精筆架

璞琢窮工巧書帷適用高得鄰輝寶墨棲跡卧文毫匪  
月光長在非冰暑自逃千金不論直一字若為褒

自寶豐鎮移紅蕉於永陽後圃

為愛紅蕉品格殊移根千里涉崎嶇不知今歲秋陽裏  
能有丹心似舊無

風琴

空竹張弦聳碧空不勞抑按任天風莫誇有智藏聲足  
須信無心觸處通明月夜深飄更遠閒窻人靜聽何窮  
知音弗辨山兼水都在洪鈞一噫中

鴈屏

羽翮本雲程丹青入小屏長年離遠塞盡日啄寒汀暮  
角無驚勢春風悄去翎幾回疑繫帛旅枕夢初醒

春寒

簷霜重如雪池水冷于冰鳥舌生根澁花心起怨憎旅

人尤倍覺年少尚難勝欲作新春飲高樓未可登

春陰

雲靄結青冥成陰重復輕雖知養春色終是慘人情索  
莫初花態躊躇去鴈聲芳時不宜忽紫陌待暄晴

詠馬

種格得房精擢竒豈易名耳批秋竹薄蹄蹴水雲輕徒  
受雙羈制誰知千里程未為良樂遇春陌自長鳴

詠素扇

不羨裁紈妙唯憐入手輕月從天上落風向座中生却  
暑期宣力經秋任寡情人心能似此及物豈無成

火筋

勁直不容偏纖纖體並圓附炎非曲致執熱藉雙全熾  
炭隨方減寒灰應手然洪爐在調適持此以為權

桔槔

露井無窮惠機心在桔槔淺深皆應取俯仰不為勞固  
免羸瓶悔全勝短綆操如何翻鄙笑抱甕自孤高



投壺格

古來壺矢樂今日亦釣情慶馬誰亡法論籌却有評較  
能分勝負按數計虧盈好是摧機中收功特地輕

花鐵書鎮

鐵尺平如砥銀花貼軟枝成由巧匠手持以鎮書為彈  
壓全緊爾推遷實在台不能柔繞指方冊最相宜

鵬狐圖

戢翼下雲中驚狐計遂窮筆端傳擊搏座上感英雄猛

勢看如活妖，竟覺已空推。姦當若此，不獨畫為工。

詠影

所賦一何鈞，悠悠各一身。行藏寧逆物，進退本由人。向  
晦都忘累，逢明固任真。含沙尚能禍，辨早莫因循。

詠聲

寂寞曾非迹，能聞乃辨聲。於人緣有感，在物本無情。濤  
怒中秋盛，雷威百里驚。更論空谷答，至理自相傾。

陳後主

綺閣寶為床庭花曲韻長三妃惑沈酒十客助驕荒不  
作強鄰備還惟獨足殃胡顏猶侍飲更獻請封章

方竹杖

釣是龍孫種憐方與衆殊既能同勁直還自表廣隅雨  
露恩雖一風霜迹更孤端人以為杖氣類雅相符

訪隱

暫出紛囂外相尋寂寞鄉埽門風竹影撲座露花香白  
玉為琴軫丹砂貯藥囊疑年閒試問甲子亦都忘

詠煙

漠漠復霏霏因風任所之  
山家晨起後漁舍晚歸時  
散遠連雲沒飄斜悞鳥隨  
更堪縈旅思悵望碧江湄

探後園桃花二首

憶對殘花邀客醉留連  
花下惜芳辰而今只待微紅露  
便向枝頭覓舊春

藉草開樽徃興深  
搖花落盡十分斟  
當時已有今年約  
肯放花殘負賞心

溪上桃

數本臨溪岸春多色更天暗香穿水膩細藥入風嬌枝  
卧侵微草紅繁蔽小橋武陵迷客路與此不相遼

多景樓

盡道人間占勝遊天將多景遺斯樓江山遠顧窮千里  
風月平分入兩州日日高明疑後夜年年瀟洒覺先秋  
不知今古登臨客消却塵懷幾斛愁

和呂景純以梅花盛開見寄

曉寒雖在有春催坐想庭梅爛漫開滯迹方愁冰蘂過  
清風還喜玉音來傳芳酷重裁雲手比美遙評傅粉腮  
歸見餘花須共醉相宜況有水精杯

又和燈夕見寄

瞥來海國未言旋歛見新春換舊年佳節阻陪千騎樂  
元宵空想萬燈燃民聲喧溢豐時歲酒價飛騰要市廛  
多謝高情不遐棄清詩相寄寶珠圓

春思五首

庭前弱柳黃金線  
池畔新苔綠玉錢  
可是燕鴻戀韶景  
猶將健羽度晴天

香心天艷尚包藏  
蜂蝶優游苦未忙  
何處紙鷲飛白晝  
幾家歸燕認瑤梁

青煙拂拂撲晴暉  
簾幕無風永日垂  
不恨離人歸不早  
只疑春色故相欺

近來碧瓦減朝霜  
春意垂垂滿衆芳  
未睹花光照庭榭  
且看草色繞池塘

半慙半舒雲外日似無似有水邊風  
靄愁不為陽和減  
只恐因春綠鬢空

春遊

春遊是處接紛華寒食風光日欲斜  
柳拂畫橋嘶玉勒  
草綿香陌度金車雲邊蹴鞠聲相遠  
花外鞦韆影半遮  
莫羨少年多意思隨時行樂自無涯

將歸

他鄉理訟改新年事竟歸心頓釋然  
坐厭簾間窺畫景



行將馬上看春天無窮芳草含朝霧幾許初花倚暮烟  
長陌風光應漸好羈懷朝夕付金鞭

蔡仲遠內翰出虢州劉龍圖所寄詩因次其韻

暫離翰苑出南州匱匱金羈絡馬頭泉石清幽為已物  
耕桑勤苦共民憂筆驅滯事如飛電語決塵緣似破漚  
內閣舊交詩遠寄心期猶未許裴休

和仲遠留題方銳長老方丈

當知迷悟不相因舉手如何拂鑑塵試問禪翁住方丈

近來多少晚參人

又和仲遠答銳長老二首

庭栢經霜色半黃  
暫安禪室意陽陽  
高懷洞見人間世  
鳧鶴紛紛自短長

山前旌劍弄晴光  
瞻謁裴回殿角香  
却坐靈堂問禪伯  
莫持迂論作金湯

送周開祖赴闕引對

君繇鴈蕩解官時  
我亦琅邪受代歸  
邂逅故鄉方道舊

逡巡行舸又成違十年離合都如夢千里衝蒙勿自歎  
况是楓庭將奏課好攄竒蘊動恩輝

和鄧溫伯內翰九月七日約遊北高峯

幸奉清遊入翠微陰雲漏日照旌旗登高預整孟嘉帽  
訪古閒尋白傅詩桂子正傳飄乍客菊英先喜泛瑠璃  
公歸留宿湖山暮恐誤郊闕竹馬兒

用別韻再和

岱嶽參天十八盤當年旌旆許追攀茲遊况近重陽節

何幸還陪一日閒陟巘舍車登岌岌愛泉持酒聽潺潺  
玉堂健筆成高詠欲和臨池恨思慳

和溫伯道舊見寄

憶隨星騎按膠東屢說餘杭氣象雄今日共為鄉里慶  
看公雙擁旆旌紅回環山水仙壺外高下樓臺畫幅中  
剩把豪篇傳美槩免教清話又成空

又和九日有懷見寄

九日風光不可辜更堪瀟洒在江隅興如藍水真能適

詩比齊山亦自娛莫向三秋悲齒髮須將一醉等賢愚  
酒闌忽憶膠東路跋馬隨軒望上都

致政孫朝請過故里為五老之會

榮參天上列星躔閒向人間作地仙故里相逢十華鬢  
一時同會五高年圖傳略過商山叟齒序幾齊洛宅賢  
有子奉觴公最美繡衣使者綵衣鮮

胡巨源郎中挽詞三首

官榮符列宿政術妙專城未盡平生蘊俄從長夜行怛

情歸浩蕩爽氣入清明獨有南州俗空傳遺愛聲

語論常驚座精神迴照人中途多坎壈久疾遂湮淪髣髴朱輪改裴回盡翫新秋風入哀挽行路亦傷神

汲守卧猶治馮郎髮半華冥鴻方避弋美玉已埋砂露濕銘旌重風隨輓紼斜九原無甚恨嗣子善傳家

汴上簡陳成伯學士

除書何日到宣城水驛迢迢引旆旌千里謳謠猶在耳  
雙溪風月豈忘情行庖薦玉淮魚美坐席浮香楚醴清

何幸舊遊衰晚者得隨舟尾共修程

次韻答所和

蒼茫雲水度淮城  
檣影聯聯注羽旌  
汴泗幸隨行舸末  
瀟湘况重故人情  
晨征共濟襟懷豁  
夜泊交談氣味清  
應有高篇思宛句  
可無美酎繼烏程

和見寄

公到蓬瀛十五春  
我猶碌碌似輕身  
自忻今日旌軒遇  
却憶當年研席親  
高論聳聽多皦皦  
孤衷懶叙且循循

試將葦學搏前數白髮相逢有幾人

和丹陽守許仲途朝議春深飲會即席二首

寶爐香穗戰春寒四座融怡極日懽且樂杯觴隨水曲  
莫愁煙雨滿江干首題詩句爭傳詠欲插花枝更細看  
衆客為公須一醉何妨倒著接離冠

疑恠和風却暮寒華堂賓主正酣歡人間高會真難偶  
身外浮名豈足干綠螳泛杯春可吸紅英近燭夜宜看  
梁塵莫逐歌聲轉只恐紛紛撲醉冠



勸酒

集句三首

二月已破三月來  
青春白日映樓臺  
勸君更飲一盃酒  
一月人生笑幾迴

離丹陽

人從北固山前去  
雲水蒼茫日向西  
今夜渡江何處宿  
楊花落盡子規啼

惜花

東風吹園雜花開  
不忍虛擲委黃埃  
且來相就飲一斗

漸老逢春能幾迴

和陳成伯小飲

布素平生友如公乃達人相逢臨遠水累歲望清塵萬  
語難窮意三杯且混真鵬鷁各飛舉同是未歸身

再和

百丈卷河濱相歡席上人香飄清近水歌動淨無塵良  
會誠難必開懷好任真心期在他日湖海共閒身

再和陳成伯見寄

兩篇添思敵青春開撥塵昏向此身道舊悠悠言易感  
論心炯炯誼還親光陰似轂何難轉事物如環且謾循  
白雪調高知寡和強歌徒愧郢中人

舟次柳子小飲呈成伯學士

久客無佳思長途有戒心繫舟偕擇地擊柝互傳音西  
月光猶淺南薰候已深一樽雖冷落所幸不孤斟

石懿老大夫生日

萬石風流盛中秋氣序清門弧當日慶壽筵此時盈庭

下芝蘭茂腰間印綬榮况高頤養術龜鶴得長生

留別張樞言龍圖二首

夔隼事業久聲華尚鬱謀猷世所嗟專閫收功全整暇  
偃藩從請示優嘉高談聳服三千客和氣融怡十萬家  
不日九天飛詔下行看騶裊蹴堤沙

政成西蜀肆高懷乞得東吳盛府開千里慘舒都在手  
百城趨稟孰為才恩寬疲瘵精神健威懾姦儉膽氣摧  
下客拳拳唯慕誼欲違旌戟更徘徊

陳公武中散生日

身作名卿早挂冠  
飲水清節久堅完  
門弧遠想當年慶  
壽棧宜深此日歡  
簪紱詵侍佳讌絃  
匏冉冉戰輕寒  
葭莩敢以詩為獻  
唯祝公如衛武安

過金陵上僕射王舒公

天眷皇圖盛真儒德性高  
文章追孔孟事業過伊臯  
難進輕三幣功收變一陶  
斗樞符幹運主柄贊持操萬務  
繇吾揆千齡慶所遭  
邦財理豐本民力較秋毫  
惠徧農

無乏輸均役不騷保兵知警守祿吏絕貪饕信令朝廷  
重伸威塞境牢深謀壓夷狄侵地復岷洮萬里耕桑富  
中原氣象豪河淤開億頃海貢集千艘著義尊經典更  
科待雋髦養材從引類設學派紛袍試士先三尺傳師  
或六韜進賢輕似汲去弊勇如孺化俗遷狙詐乘時等  
鳳翔赤心全皦皦鄙議過滔滔表正銷羣靡言深決衆  
誥郭崔奢自減揚墨謬皆逃勲烈輕銘鼎光華外奏鷲  
台階迴遠趾仙觀乞閒曹異寵藏珍帶優恩避節旄鍾

山歸舊隱槐府輟先勞不宰經綸效潛忘簡策裛煙雲  
供笑咏風月共遊遨古寺唯輕屣秋溪只小舸羹調梅  
飲實早救雨收膏寰宇恬安枕衣冠賦執翻何時傳入  
覲羣望慰嗷嗷

送范子鎮承議同年宰清源

願君安慮宰清源已雪南閩大獄寃勿嘆割雞猶屈刃  
當知容駟可高門解舟蘭水春沙淺稅鞅榆關夏木繁  
所得最多公誼在他年富貴豈須論

中書張侍郎生日

薰風初泛舜絃聲  
崧嶽儲精王佐生  
巨室當時慶弧矢  
熙朝今日贊機衡  
燕堂榮映台躔近  
壽琖光浮書景清  
願祝修齡如衛武  
長揮相筆化隆平

遷居近局謝陳成伯假車惠茶

冷官遠室足間關  
疲馬羸兵倦往還  
局左卜居甘迫窄  
城東寓迹謝寬閒  
短轅助載方銜惠  
靈薜蠲煩愈厚顏  
兩腋風生家事少  
併吟慚匪昔賢班



再和答篇

為困奔馳乃近遷勿咤飛倦不知還  
趨朝遂免三更起  
歸舍新添數刻閒  
謾致鄙篇酬雅貺  
却煩秀句解衰顏  
高軒若許來驚座  
陋室杯盤亦可班

又和來篇

已愧蒼葭倚玉難  
更慙投礫引珠還  
盧生破屋居新穩  
韓子豪篇語自閒  
雖有清樽佇高躅  
須期黃菊奉朱顏  
自惟雅集猶淹緩  
詩戰雄師未必班

和趙達夫元夕禮闈鎖宿

元宵鎖宿禮闈清春意寒威兩戰爭月照樓臺疑晝景  
風傳車馬訝雷聲蹉跎自愧青雲志勤苦須憐皓首生  
勿嘆拘攣度良夕共開精鑒選經明

次韻揚久中將試進士

雙扉盡日關舊觀恍然還進士將紛集經生且暫閒較  
材歸俊傑兀坐屬踈頑遠想駒空谷移文愧北山

又和鎖宿即事

金門拜敕望嚴宸禁陌聯鑣傍早春此日貢闈身亦與  
昔年文陣意如新為僚况偶羣英集投隙何妨雅論頻  
共念殘科多滯士歸期緩指甲申旬

示黃彥發歐陽勉甫道舊

浮世難逢故舊併貢闈風月可忘情當年論事皆陳迹  
此日評文亦浪名荏苒光陰踰一紀間關志氣話平生  
且將觴詠消閒隙鵬鷲逍遙理自明

和久中聞笛

風搖古木影蕭森何處飄來暮笛音杳恍如天上曲  
悠悠不減隴頭吟未逢明月心猶恨却憶殘梅興亦深  
幽思縈迴長不斷欲量應及數千尋

和達夫雪齋

雪餘著處是瓊瑤惜向春風勢易消野色澄明經一洗  
鳥聲喧滑自相招潤通弱柳晴林媚清逼歸鴻雲路遙  
浩蕩幽懷吟不盡高樓斜日望寥寥

戲呈吳伯固同年

白玉墀前共得仙而今邂逅半華顛  
評文我辨異同字出義君持難易  
權畏簡不能成共酌紆情莫惜寄新篇  
上林春晚歸鞭動意思何如癸巳年

又次前韻答所和詩

裁句清如李謫仙揮毫放浪近張顛  
偶於貢部同官責更向詩壇擅將權  
戲筆謾追丹桂舊報言還愧木瓜篇  
一樽何處偕吟嘯浩興猶堪逐少年

和久中春風

三月東風勢渺漫，侵陵和景作清寒。  
發揚造化非無力，鼓動芳菲自有端。  
鬪草戲兒憂手瘁，懷邊思婦忍眉攢。  
祇輸便腹忘機者，不廢書帷晝寢安。

寄陳君佐

山陽判袂幾三紀，鐵柱題名過十年。  
聚散信如萍逐水，光陰奚翅苦離絃。  
高材未用君猶健，弱羽無心我自全。  
鳧鶴短長何足算，相逢樽酒且留連。

和吳子友貢院作

曉躍驂騑紫禁開  
詔音不許少淹迴  
斜鞭忽過天街柳  
曳履還侵佛閣苔  
畫幕四垂如近漢  
夜燈相比似占台  
會將精識掄荆璞  
當有孚尹應手來

和中裕古鑑

君有青銅獨可憐  
規模竒古衆疑年  
寒光不減誰人致  
真鑑無期本自然  
秋水未堪方洞照  
霜蟾應是恨長圓  
主人較藝還如爾  
坐別嫫施醜與妍



錢塘集卷五



欽定四庫全書

集部  
錢塘集卷六

詳校官庶吉士臣馬履泰

檢討臣何思鈞覆勘

總校官檢討臣何思鈞

校對官編修臣楊壽楠

謄錄監生臣葉立翹

欽定四庫全書

錢塘集卷六

宋 韋驥 撰

京居

冷官仍白髮，陋巷足青苔。  
彌月不書刺，經時長覆杯。  
未能依澗壑，空欲遠塵埃。  
聊作支離況，詩成祇自咍。

送馮材叔宰蘄春

海角分攜僅十年，鉅創鈞是偶生全。  
相逢未暇聊持酒，

金定四八  
卷六  
就別還驚欲放船顧我滯蹤徒袞袞羨君歸翅自翩翩  
蘄春豈足勞餘刃應有佳聲樹憮然

韓敏之學士貳少府往拜凡三而未覲因致以詩  
一枝棲息又逢春何幸高賢晚獲親顧我畫墁慚所食  
荷公傾蓋異於新緒餘袞袞心尤慕盤辟區區禮未伸  
三望膺門漫刺字且持累句慙因循

邃明生日

昂宿儲精嶽降神乾坤鍾異鉅賢身間生慶候年彌永

輔世休聲日又新  
台鼎梅調方夏實  
鳳池風好正南薰  
因時願祝松椿壽  
長贊熙朝秉化鈞

致政孫大夫挽詞

榮養如公世所稀  
薤歌今日勿深悲  
生封郎位腰金貴  
老向仙鄉擁節隨  
積德已酬高閑志  
遺蹤何愧北山移  
義方有子聲華重  
千古靈丘起後思

同文館試上舍和同事孔彥常學士即事

筆陣收鋒考戰文  
喧喧車馬隔重門  
心矜力學求之密

日到雄辭氣不昏  
美寶辨來三獻愜  
雕蟲屏盡六經尊  
囊封奏號須明發  
吉夢應先徹九閤

又和

強繼高吟豈足論  
聊持布鼓過雷門  
解頤傳咏知辭妙  
落筆酬言怯思昏  
霜葉舞風鳴碧瓦  
寒雲漏月射清尊  
好傳秀句頻驚座  
索馬行將戒守閤

又和前韻呈彥常明叔

軟語霏霏過夜分  
程文都已辨專門  
香焚龍腦神還健

書檢蠅頭眼易昏  
駟從傳呼金闕曉  
星辰環拱紫垣尊  
拆封御史何時到  
曳組相將謁禁闈

較試將畢呈彥衡察院

上官

當年京口望清塵  
德論於今想記頻  
何幸上庠參較藝  
又依高鑒免遺珍  
下帷晝寂霜威斂  
揮塵宵寒月色新  
早晚奏名歸駛迅  
九衢多少避驄人

又和彥常試院即事

城堦候館勢宏開  
捧詔彤庭薄暮來  
庠序旁延優上舍

行能參考見高才糊名獨得珠無脛據實更忻山有萊  
賢傑聞風爭入穀篔簹何足樂顏回

天寒簾幕氣蕭騷終日披文不厭勞但有誠心裨藻鑒  
敢矜明目察秋毫璵璠啓襲光難掩鴟鴞凌虛勢自高  
號奏身閒無一事唱酬尤喜得詩豪

辨駿由來盡馬羣裁聲今已得龍孫不容一字虛褒貶  
可見諸生究本源衡鑒有憑宜自信毫釐無益懶輕論  
分携莫惜頻交語且盡樽前燭淚痕

呈郭奉議明叔

嶠北分攜一紀逾，浮梁唯奉數行書。  
如何邂逅同縈絆，遂得從容接緒餘。  
道舊良多動頰笑，忘形不覺度居諸。  
出門幸且時相顧，更望新篇數起予。

食蛤蜊二首

適口珍鮮品格高，泥深海近不能逃。  
若教畢卓曾知味，豈肯甘心把蟹螯。

自衛區區亦甚勤，剗腸剔柱奈何人。  
若知射影能相懼，



應學含沙得保身

謝鍾離中散公序惠草書

留心不減漢張芝體意俱完世學  
掃下筆欲為來者法  
臨池時見古人非篇篇駭目神如電  
字字凌虛勢若飛  
多謝公餘憐所好璨然累幅遺珠璣

呈戶部李尚書二首

八座輝光道德隆  
陋儒何幸奉從容  
聽言迥出羣賢表  
顧已榮於萬戶封  
密啓更慙先薦鷄  
高門況是晚登龍

荷公恩意知難報勁節當先比澗松

三紀光陰疾若馳一身孤宦亦逶迤人疑碌碌非奇節  
誰信巽巽足有為白髮精神憐晚景青雲志氣慙卑枝  
門闌此日蒙優過可是囊中穎脫時

呈南鄰司門盛誨之同年

昔詠相過人不知於今想見少陵詩鄰居何幸偏依德  
交語乘閒祇隔籬攀桂當年聯步武近蘭此日慙瞻思  
冷官罷局方無賴但向清風且樂饑

過二里山

夜宿陳倉驛朝行三里山千峯排鬱鬱萬石激潺潺征  
馭來何亟幽禽語自閒塵勞亦知幸勝景得躋攀

御愛山

五峯列翠儼如屏御愛知非浪得名行客勿輕加誚詠  
播遷豈是不關情

鳳翔劉明復龍圖刊李茂正德政碑勒移維摩塑  
像文求詩因寄

龜趺螭首勢寬然，輕重由來在所鐫。  
名削姦臣磨偽說，像遷居士記真詮。  
精文本自精誠出，妙手幡因妙相傳。  
以善闢邪殊可敬，為公嗟嘆作詩篇。

和遂州太守李安上年兄見貽

擁麾遙想陟崔嵬，驟喜清談復屢陪。  
攀桂當年追遠趾，偃藩今日仰高才。  
如公閱博難淹外，顧我迂踈任儻來。  
相遇且宜忘倍道，整同持酒賦層臺。

寄提刑岑岩起

兩世同年世亦稀同官同路復同詞登途先後無多日  
聚論參差已過時劍外石梯方息鞅山南珍翰忽伸眉  
情知邂逅當非晚聊寓長言寫所思

過朝天嶺

崔嵬陟盡復凌兢暫捨銀鞍杖策行棧閣架空霄路近  
攔干護險曉雲平仰看翠壁層城峻下瞰長江一帶祭  
自惜仙才難蜀道始知難此不虛名

三盤閣

江山千里勢雄豪  
終日緣崖未是勞  
欲識寒心騎馬處  
三盤閣上看驚濤

玉枕驛

崑然峭壁入青雲  
玉枕光輝絕世塵  
豈是羣仙露竒迹  
故將珍玩惑途人

過故平

間關危棧過岩崑  
忽見平原旅恨銷  
却被飛濤送鄉思  
悠悠想見浙江潮

迴宿故縣驛

回首邊城暮靄輕  
亂山深處宿歸程  
流泉遶榻鳴寒夜  
別是勞生一段清

文劍道中

劍閣文臺相去遙  
朝行山頂暮行腰  
雙眸視險睛常眩  
兩髀乘鞍肉半消  
空有辛勤馳遠道  
愧無毫末補清朝  
何時解組歸鄉國  
十里西湖弄短橈

登科

先世曾誇尺五天後來苗裔獨蕭然可憐三十三年內  
科第唯吾父子傳

青雲意氣已參差白髮精神祇自嗤喜汝登科年尚少  
好據事業趁明時

黃石榴花

六月羣芳歇榴花拆淺黃色方金菊淡體異玉簪長觸  
目猶能媚迎風不在香無勞問朱實秀發占中央

大行皇帝挽辭二首



聖文攄道妙神武拓邊封治迹超三代焦心厭九重方  
儀韶樂鳳忽駕鼎湖龍遺烈傳千世鴻基固祖宗

檢玉將封岱遺弓已上僊新陵崇永裕舊節罷同天哀  
仗愁雲外悲笳慘月邊攀髯臣子恨萬淚欲成川

再詠黃石榴花二首

花似新鵝色澤均萼如拓繭亂紛紛更臨返照遙凝目  
翠幄無端惹瑞雲

佳人最愛石榴紅染作輕裙步履同唯有此花難入意

任教榮悴逐薰風

自劍還道中寄同事蘇進之

君寓姑蘓吾舍杭慣從雲水樂仙鄉相逢邂逅趨端禮  
同職間關到益昌疲俗未肥心所病故園何在夢偏長  
新陽欲動林泉好觴詠隨時且自強

宿上亭驛

按部嶽崎向梓潼上亭孤驛倚寒空淋鈴盡想當時雨  
吼地愁聞竟夕風衝冒狂飈憂病體驅除宿翳懶神功

吉朝攬轡逢清霽致敬宜將樵意同

謂唐孫  
樵也

謁梓潼廟

英威凜凜懽西州血食潼江度幾秋  
曾運陰兵摧賊壘  
每均甘澤惠農疇翠幃半捲香烟動  
金榜高題日影浮  
暫止輶車聊一奠肯將曲禱累神休

題岑岩起劍門詩刻後

撲面塵埃二十年紗籠石刻頓光鮮  
度辭不用題黃絹  
自有驚人秀句傳

和岩起觀舊詩有感

棄繻東去有遺篇杖節西還今幾年  
莫向長岐悲齒髮似君行學可怡然

又和十二月二十九日思封道中

巴山險阻備嘗之笑讀豪篇似抵巇  
况是歲華垂盡日却為賢者獨勞時  
寒多未放泉聲活春近先從柳眼知  
早晚星軺趣回轡東園共醉小枝枝

和資守許澤翁見寄

十年為別只逡巡喜見來篇墨色新且解征鞍同一醉  
異鄉難遇故鄉人

長柳館

地名長柳柳初長下馬臨泉却坐床客舸傍沙收百丈  
野禽窺水競雙翔

筭錢鋪

里名勝母曾車止邑號朝歌墨馭還我領漕權來此坐  
不唯自哂且頽顏

見性堂

由來迷悟盡真如見性名堂亦謾書萬變紛紛任交戰  
一心了了即安居檻花天秀烏能浼庭栢孤高自有餘  
多謝前人為留意使予聊得寓清虛

都竹道中

陰平纔過萬山重路指江油棧閣通峯頂雲收餘夕雪  
馬蹄塵少帶春風一溪水色瑠璃碧幾塢梅花錦繡紅  
莫謂奔馳足勞苦目前佳趣亦無窮

過赤岸潭

輕輶曉過赤岸潭，莫訝凝眸涉再三。  
大澄瀾連底見，千尋翠壁與天參。  
釣絲森蔚迷芳岸，鵝管參差滴秀巖。  
勝槩心藏俟能畫，肯教凡筆謾鐫鐫。

過雪峯亭

二月春將半山高，雪未消危亭在屏障。  
萬水綴瓊瑤似與塵寰隔，安知雲路遙區區。  
澄按外暫得駐輕輶。

經望星山

緣崖陟磴勢凌兢偏坐銀鞍傍險行更向望星山上過  
捫參方信不虛名

塘啼嶺

髡碗肩輿半側身嶽嶇石磴但無塵山行從隸難成列  
路轉前驅却向人更瞰江潭尤覺險獨憐桃李解粧春  
他時躍馬康莊穩莫忘歎危感頽頻

亭溪道曉行

白雲起處山櫻發綠柳垂邊水螿鳴唯有曉寒殊未減



重裘還似冒霜行

至白水驛輟趨文還益昌

輟程趨疾且歸來莫訝回船在不期恐失東園桃李色  
一年深恨欲何追

和許冲元內翰易元日登塔之遊為再登

浮屠屹屹勢參天旌騎朝臨又一年一日再登清興足  
舊遊新變異時傳嘉篇却寄踰千里遺愛相仍沸兩川  
塵洩剝間肝膽醒况陪勝覽即芳筵

又借前韻為攀別之作

紫詔催還二月天清臺頌歷涉三年高文昔冠羣儒首  
異政今為兩蜀傳此日旌旄度危棧何時舟楫濟長川  
笳鏡漸遠勞瞻望猶想飛花傍祖筵

和岑岩起見寄三絕

別來凡歷幾重山又報兼途策馬還而我病軀方覺健  
喜時觴酒助談閒

分攜斜日在青山不意黎明我遽還却向益昌迎馬首

由來無定是人間

百大江流萬仞山一車方往一車還若教說著邯鄲夢  
都在胡盧掩口閒

謝岩起寄鳳團茶

北苑先春雲鳳團封題分寄墨初乾未甘金碾消磨了  
且作瓊枝愛惜看水異康王烹莫稱才非盧子咏應難  
強抽鄙句慚瑤報佳惠輕酬豈自安

至西縣走呈岩起

所部雖同邂逅稀今年差比去年遲  
蓼園猶憶當時玩  
菊酒還陪此日持  
衰鬢已斑烏足嘆  
壯心徒在竟何施  
相逢且盡從容興  
况是終更欲及期

再和岩起以詩答謝惠團茶之句

靈芽不減密雲團  
十襲清香翠若蕪  
句脚紆情內動  
明珠更得掌中看  
輕投雅贖公為易  
併獲殊珍我自難  
報德酬言古人重  
斐章不再豈遑安

城固道中先寄

卷六  
李六  
睽違旬浹似朝晡勞想清水映玉壺謾寄小詩馳鄙意  
更能還貺雅篇無

稅鞅行郵日欲晡漢臯重得造仙壺不知揮麈交談外  
還許攏絃入聽無

凌晨馬上得惠詩再次元韻

詩筒方訝惠音稀擊鉢來篇果不遲定欲擅場專獨勝  
豈容遺悞久相持招邀近想融樽滿往返多慚孺榻施  
况得鸞絃聲出幌肯教馬足自稽期

建芽精嫩鳳為團，海錯珍鮮鮓作乾。  
遠物方慙容易獻，來篇不似等閒看。  
始忻報玖情何厚，幡覺陽春和獨難。  
寫寄中州傳好事，須教紙價踴長安。

自今酬唱不宜稀，所恨詩盟結已遲。  
兩陣辭鋒謾交戰，一壇將鉞敢爭持。  
宦途何愧為難進，老境寧當效力施。  
相遇相期情誼遠，莫臨觴詠數瓜期。

聞胡琴一首

園林雨過秋蕭索，幅巾談笑情方樂。  
欵然一抹四朱絃。

續續清聲透簾幕輕攏慢撫手應心如出自然非以學  
露蟬淒咽春鶯轉變化逡巡動寥廓音度曲肅衆聽  
歌舞滿堂生寂寞自嗟投老飲量衰一舉為空金鑿落

書西縣壁

判袂知非遠馳軺約屢經猶於暮雲底回首漢臯亭

聞巖起至以詩先寄

寶峯亭下菊鮮鮮嫵媚秋風似可憐欲摘一枝分玉盞  
星軺莫惜屢揚鞭

公來稅鞅且盤桓  
山國蕭條正早寒  
雖缺鸞絃翻妙曲  
聊憑螳酒助清懽

和道中詠懷

酒軼劉伶頌  
茶高陸羽經  
庶幾延笑語  
何事駐長亭

和述志

振職提三尺  
潛心醉六經  
高材難淺度  
豈止獄平亭

和念祖

仰服籛金訓  
傳家在一經  
况當聲教遠  
夜柝靜戎亭



和庭橘

常思洞庭橘美實冠南方雪蘊千林謝金衣萬頃黃輝  
光依澤國髣髴在仙鄉沈詠滋迎露韋詩寄待霜遠邦  
方渴想鄰圃得清香未用矜封戶何如助醕觴分甘音  
尚阻抽思韻空長豈必三吳渚寧煩一葦航搢笻即可  
到反掌便堪嘗慰我東南夢殷勤送斐章

又和告成寺

嘉陵江勢並山迴山寺雙扉對水開鑿石千尋維佛屋

參天一舉類仙臺白雲有意頻舒卷幽鳥無情自往來  
心境兩忘真未易登臨便謂出塵埃

送益鈴高宣事

王孫遠器世功勲材畧縱橫舊出倫春事近違文陛側  
鈴兵遙指錦江濱贈篇累什皆通貴去國賒程少故人  
傾蓋相懽一樽酒感君離思併如新

過青山

遲曉揚鑣陟峻岡馬蹄凌厲踏新霜崔嵬昨日參天碧

蕭索今朝滿目黃墮葉離披疑虎跡曲蹊盤屈類羊腸  
按行若也多裨補敢憚崎嶇道路長

至蒼溪

輶軒寒入蒼溪縣秀句遐追老杜詩送客泛舟空往事  
過峯來摘似當時高材遺興千年在遠宦羈懷萬里隨  
索筆謾題行館壁可能閒料後人思

自西水還少憇錦屏山廣壽院

按行迴轡闕城南登陟崎嶇力不堪却坐錦屏休倦跡

暑天冰水沃醺酣

雲臺觀

緣崖涉澗上雲臺古觀稀逢車馬來翠栢逕深長蔽日  
玉魚池淺僅勝杯取桃人去無遺跡鎖藥爐存絕舊灰  
唯仰天師凜然像祇愁雙劍起風雷

謝巖起惠支頤二首

几杖安身外於茲用智深見貽扶勅頷捧受識仁心本  
異支離隱何妨彥祖欽唯愁說詩善笑解恐難任

引髭聊試頗安然正好憑依學坐禪兒女環觀齊指笑  
朱顏猶未怯雙蓮

和蘇進之見招無簡岑巖起

夫君捧詔獨先來趨節還先數月回聯事已憂將判袂  
列城況是未豐財翻蒙雅餞同膚使更枉清篇費美才  
若得星軺留暫駐吐茵強酒不辭陪

和子方登朝京樓偶成

登樓為喜乍晴時欲倚欄杆日已微頭上雲生還作雨

座間風勁却添衣笑言且共須臾樂氣象休驚頃刻非  
應是催詩念前况果然高唱屬先機

再和

樓號朝京人未歸浮雲蔽日雨霏微靜論國手饒棊路  
閒喜官身著道衣心慕孟軻潛養浩年過蘧瑗久知非  
隨時觴詠聊同樂全勝區區競巧機

再用前韻奉簡

未能形德似支離行學由來恨力微罔利唯羞涉龍斷

可言寧念卧牛衣高材幸遇同憂樂公論相投壹是非  
待向遊從廢碁局區區安用謾藏機

和答前福守林中散

使指頻將念匪宜閩山何敢憚馳驅薦賢銳意先推鷄  
逐惡雄心肯問狸却愧裁篇為惠重况當卧轍欲留時  
光芒照眼觀華藻遙想張芝墨滿池

福州古田天王院撤珠軒

過穎因人激躍成撤珠取類亦虛名偶觀却憶鍾離意

委地當時事獨清

謝公永惠荔枝

筠籠遠致色猶鮮  
咀嚼瓊英真味全  
多謝仁人憐病渴  
故將靈腋爽心痛

和子方夜過卧雲庵絕句

自愧銀魚久未成  
區區從政謾辛勤  
過庵佳句撩幽興  
待買青山占白雲

曹子方靜常庵



愛君新作靜常庵况是佳名繼鄭南  
晝坐不知人擾擾  
夜存長保氣酣酣  
寓言記述希莊叟  
復命棲時慕老聃  
標榜粲然輝衆目  
幾何立懦與廉貪

答曹子方少年弄篇翰一首

虛堂隱几坐忽忽若假寐  
颯然清風來頓爾爽昏思  
新詩執在手展讀過三四  
初言少年弄篇翰喜道白髮脚  
自戲次驚老境今且迫  
豈甘物役汨其志輕視富貴如  
浮雲極論窮通鈞一意高談念  
平時健句存遠記請老

愧襲常先期乃吾事君年纔知命耳順予闕二自此七  
星霜投綬去朝市是時取高篇却託冥鴻寄公方處要  
途利達沛材智見詩當不嗔猶認舊書字其來不待索  
應亦念衰瘁君年方如我今日那肯抽簪餌芝朮庶幾  
得以警幽情莫忘采真揮勁筆

遊武夷山二絕

沂溪遊覽絕塵紛看盡竒峯過所聞昔日幔亭何處是  
寂寥空想武夷君

心愛仙山役世緣，乘軺欲去謾留連。  
更祈秋日停羲馭，莫遣回頭怨暝烟。

寄陳安道同年

執別都門四見春，悠悠吳越斷音塵。  
爾來雖幸官居近，所得唯蒙手翰頻。  
折桂交遊三紀外，繫匏蹤跡兩溪濱。  
未能把酒論離濶，聊寄篇章託去鱗。

遊武夷山二首

一溪秋水碧溶溶，逆棹扁舟遡晚風。  
卧看峯巒巒聳竒勢，

心疑造化術殊功  
賓雲曲斷笙簫遠  
機石苔荒組織空  
仙理冥冥難究詰  
抽簪歸隱羨劉公

融結山川鑿混元  
誰為窟宅遺神仙  
三千曾會幔亭客  
十六仍標洞府天  
崖有珍苞不緣種  
棺遺清骨莫知年  
披圖昔謂多增飾  
至此方知畫未全

遊武夷山寄曹子方

訪尋仙迹覽羣峯  
詰曲清溪兩槩通  
幡念不成秋後約  
獨遊還與未來同

和蔣穎叔重山館留題

清詩題柱幾朝曛二十餘年伴嶺雲  
今夜泥輪猶宿此  
隔溪依舊磬聲聞

江墩鋪

郊原秋老湛無風孤坐危亭夕照中  
刈熟人歸荷肩重  
嘻嘻笑語話年豐

宿泰寧縣驛

紉如五鼓響寒廳  
夜艾東窻未肯明  
一片灘聲聒幽枕

幾番歸夢不能成

離建寧

境窮昭武入長汀溪側山根指去程  
護險攔干紅繚繞  
依稀如傍蜀江行

爛石

嵌巖爛石聳溪灣峻削陶人手不閒  
落在深郊猶及此  
斧斤何必嘆牛山

宿寧化縣鷲峯寺

輕軺冒雨勢匆匆晚入幽溪宿鷺峯  
一夜泉聲繞清榻  
夢回何待曉來鍾

留題龍地巖

應龍何日躍天衢不識還思舊隱無  
見說至今遺惠在  
每興雲雨救焦枯

臨汀行館十月桃花盛開

十月臨汀氣候訛桃花零落發林阿  
也知欲起春風媚  
爭奈窮州地暖何

宿寧化西隱院

郵亭地遠宿禪扃  
夜永時寒睡思輕  
簷溜不鳴知雨止  
窻櫺半白悟天明  
更攢百點催兵從  
雞送三號起使程  
自愧區區少裨補  
北山文在盍留情

過鱗原驛

晨餐纔了又遄征  
驛榜鱗原以地名  
山頂寒多雪花重  
溪灣流淺玉沙明  
田疇有獲良農喜  
社鼓無聲暴客平  
奉詔非材幸無事  
行中時得肆吟情



度爛溪

獨木為橋度爛溪  
溪傍山石爛如泥  
高低採削材如一  
祇恐鈞陶意不齊

二月十二日早按行臨汀遇大雷電而雨

傳車十月到長汀  
鬱奧猶如暑氣生  
經夕山川帶雲霧  
凌晨雷雨動欄楹  
乍逢旅客殊多怪  
慣見邦人情不驚  
聊作小詩傳所遇  
他年穩坐活平生

晚洲嶺

行行晚洲嶺高若離人寰肩輿薄層霄身在杳靄間朝  
天及青泥誰謂蜀道難豈如茲峻陟不類羊腸盤斗上  
五千尺步步須躋攀隆冬猶汗浹睥睨唯心寒旁霑宿  
雲潤下視飛鳥閒恍如陶公夢挿翼衝天關潛慕漢忠  
臣叱馭毋盤桓古語固有之酖毒比宴安君恩思未報  
何敢憚艱險臨風一長吟所嘆兩鬢斑

師子峯

欲將師子號竒峯躡躑如真倚碧空聞說近山無虎嘯

可非潛伏畏威風

雙溪驛

按程頗自覺淹留朝夕經行處處幽  
忻逢古驛雙溪水  
追憶東陽八詠樓

陰山館

圍峯聳於前鳴泉繞其後若使畫成圖  
誰云非傳會

遊寶蓋巖

度溪履險得幽巖欲去徘徊意尚貪  
吏部祝融峯下句

未宜留此付鐫鏡

題館節堂

建陽溪水接仙流  
溪上新堂氣象幽  
弭節杞輪從便適  
觀風問俗得優游  
凌虛岌岌圍千嶂  
據要衝衝控八州  
白髮書生倦奔走  
每憐瀟洒為遲留

寄曹子方

度溪踰嶺一何勞  
霜鬢髯髻首屢搔  
自愧晚年空碌碌  
唯逢佳境且陶陶  
會仙古觀風流遠  
館節新堂氣象豪

不得與君同嘯傲強抽荒思引吟毫

再和

佳和殊堪渴想勞幅巾霜鬢遂忘搔長言燦燦經三復  
至樂融融共一陶遇事未能全吏隱解頤幸得接詩豪  
願前瓜代頻酬唱任禿秋蟾玉兔毫

和曹子方

遶舍方憐喜鵲鳴臨風更聽振金聲  
憇兒遠宦趨庭過善友新篇擊鉢成  
荒學謾傳烏足道嘉辭借譽一何榮

鳳毛池上他年貴謙晦終難掩道耕

和子方贈祖夷仲提刑

蓬萊為別幾秋風  
倅乘當年服狗公  
梁漢曾嗟失高躅  
甌閩幸遲擴前功  
稅車白髮相看喜  
把酒黃堂一笑同  
行見刑清八州境  
里言應不詠垣東

冬至三日遊水南諸寺

曦輪飛上宿雲收  
晚出城南趣適幽  
六寺連延行複道  
一溪縈繞瀉寒流  
世情共喜新陽復  
仙境聊成極目遊

不以篇章記登覽此時清興若為酬

和公舒太守長至遊水南僧寺

紛華盛麗已心灰  
蝸履尋山尚喜陪  
聊藉琴樽樂清景  
全勝車馬冒黃埃  
年登況畢三時務  
陽復仍忻七日來  
更愛起予傳秀句  
使君詩筆富天才

送曹子方

判袂長亭歲律殘  
天寒雲靄慘溪山  
間關唯恐君兼道  
寂寞仍愁我獨還  
秀句八州神物護  
輕軺千里老人攀

他時企想音書外  
佇聽休聲聳近班

護國院十詠

雷分石

聞說豐隆為剖開  
非關星隕自天來  
數齊元凱崢嶸勢  
不是尋常作削材

香爐峯

由來元化作鈞陶  
賦象香爐峯勢高  
恰似羌廬山下見  
不容太白獨抽毫



天然橋

欲渡銀潢上九霄  
回頭雲路正迢迢  
誰知畧約由天造  
全勝間關履鵲橋

玉印峯

拂雲蒼翠勢嶽峯  
玉印分明帶秀林  
變化固非緣墮鵲  
天將寶玩鎮幽深

石鑑峯

天悟迷人亦自然  
團團石鏡為高懸  
潛令演若狂心止

忘照回情學坐禪

螭龍潭

螭龍潭上木陰森  
百丈垂絲未度深  
蟠屈只應如傳說  
俟時騰躍作商霖

放生池

看收數罟買鮮鱗  
縱在深池是亦仁  
但使校人誠子產  
自然微物遂天真

鳳凰山

鳳凰山色似晴光半入青雲兩翅張誰謂太平寧有象  
峯巒猶學瑞禽翔

鎖翠屏

屏名鎖翠勢彎環勝全疑出世間枕石眠雲乃其地  
誰能先向此中閒

仙苑峯

餌苑仙去絕遺蹤屹屹孤峯倚碧空空使時人想飈馭  
寸心長惑有無中

次韻推官東庵

紫竹交陰處微行接小軒  
輓轡聲在井薜荔翠依垣  
自有山林趣何妨鳥雀喧  
公餘聊宴坐方寸得澄源

步雲亭

官居瀟灑並城堦  
城上危亭勢屹然  
廓四簷通日月  
回環千里見山川  
凌虛迴絕尋常地  
据要追吟尺五天  
莫訝白雲隨步起  
望中祠宇指梅仙

又和李世美再題步雲亭

嶢嶢氣勢壓南閩  
髣髴鵬程近紫氛  
女堞却依丹檻底  
翬簷迥與碧霄分  
融樽有地留清景  
阮屐無時蹴亂雲  
引脰更勞西北望  
子牟馳戀繼朝曛

和世美久雨枕上偶成

釜中何慮致魚生  
庭下寧論輟運甓  
夜厭繁聲驚夢枕  
朝愁潤色浥書屏  
無聊搔首憐垂白  
遣興題詩寫殺青  
此段公居正岑寂還如舊  
隱掩柴扃

又和久雨

繼日霖霖勢不停  
淙淙高屋似翻瓴  
氣昏亭閣迷仙境  
雲閣山川掩畫屏  
壠麥潛憂化蛾白  
溪荷遙想沒錢青  
占晴問蔡師前語  
罄折恭於奉鼎局

晚晴

積雨鎖山城  
幡然喜晚晴  
園林變新綠  
溝澮有餘聲  
日色間何濶  
雲陰否已傾  
無才希杜賦  
短句且抒情

紅蕉

紅蕉秀南土  
對植燕堂陰  
每為開青眼  
唯憐吐赤心  
華

丹天賦異凋瘵歲寒深擬奪蘭荃譽慙懃約共吟

和劉公舒題步雲亭

締構岩堯倚碧空建安氣象矚清雄自矜遠目窮天末  
更喜新篇入穀中壇指昇仙歎梅福山連夢筆想文通  
梯雲每到如平地養勇何須羨北宮

五月三日見萱草一枝

薄薄初陽曉霧披庭萱再見似相知月臨仲夏纔三日  
風折今年第一枝蘼翦無金黃灼爍幹瑤圓玉碧參差

好花來歲應如舊知在何州記此時

和世美吉祥為別

山驛迢迢畏景舒星輶不肯少躊躇先之古寺圖分袂  
故約前驕幸柅車霧卷茗甌分啜罷風收談麈贈言餘  
雖知暫別非踰月尚覲郵筒數惠書

又次韻慶除代

一封黃牒下雲頭受代需時若自謀雖幸有期趨北闕  
自慚無術惠南州累年塵土甘祇役萬里烟霄想告猷



猶賴高材見裨助不教孤跡謾淹留

去冬留題管節堂世美朝請今夏按部過之為詩  
見賁輒次韻奉和

拙句慚先刻佳章幸繼遊  
襄題踰八字傳詠入中州  
舍館仍增麗時炎倏變秋  
悠悠想清思長似建溪流

世美朝請賢友近按昭武還寵示道中雜詩十三  
首因成拙句奉呈

衝蒙盛暑歷山川  
膚使何嘗嘆獨賢  
星騎逡巡一千里

仙才灑落十三篇  
籠羅絕頂裁詩句  
攄發高情破萬緣  
但恨陽春難繼和  
暗投終辨夜光圓

荔子

閩地高材最傑然  
結成丹荔冒炎天  
堆盤火齊光芒轉  
溜齒瓊漿氣味全  
玉井蓮房空賦咏  
秀江萍實謾流傳  
更貽蜀品煩馳傳  
闔向紅塵動笑妍

與世美奉詔旨分督決獄  
甲戌判袂之武陽壬午  
還宿中興寺而得世美自延平所寄詩因次韻

盛暑宵憂動邃旒，敕催諸道決累囚。承流宣澤彌兢惕，履險航湍敢滯留。南北分馳纔數夕，重輕釋繫已三州。高材想盡哀矜意，美疾當從勿藥瘳。

八月上澣登步雲亭

一日優閒九日忙，步雲亭上共翱翔。地高始覺秋風勁，事隙方知晝景長。戲舉禪談一重案，靜看茶戰第三湯。吾民况有京坻望，遠宦宜從嘯咏忘。

中秋夜雨

秋色中分夜氣清月華今夕最澄明如何驟雨橫來勢  
不徇高樓倚望情桂子飄零無處覓燭花輝焰為時生  
莫辭盡醉酬佳節猶覲餘光接曉晴

公舒朝請得福守所寄荔子佳品二而咏以二詩  
乃以為示輒次韻奉和

鄰境緘馳荔子丹黃堂矜詫滿彫盤香收殘爇餘龍腦  
戩寫新詩掩鳳團咀嚼定嫵瓊液薄形容更比水精寒  
強抽滯思聊追和珍菓清吟兩可歡

佛宮竒品號礪黃黃穀籠珠徑寸光種異却輕萍有實  
味甘全勝蔗為漿南人拭目驚稀見北客流涎試一嘗  
翻笑洞庭霜後橘豈能當暑侑持觴

建安郡庠重彩記事

泮水秋深爽氣全簪紳戾止共拳拳丹青圖寫三千禮  
藻繪形容七十賢如堵聿來觀盛集采芹應有賦新篇  
諸生好進公卿業此日風流亦與傳

九日示壽隆

九日閩中氣尚暄扶持病體坐家筵喜看數朶黃金菊  
強引三分白玉船浮世謾論軒冕貴佳辰難遇子孫圓  
明年汝對陶公菊應念欣欣戲綵前

建安山水亦幾希九日登高著處宜秋杪風光自瀟灑  
老來情味少歡怡舉杯喜見黃花泛落帽羞將白髮吹  
佳節不能成酌酌浪吟小杜昔年詩

留題南劍州延平閣

危閣橫空待勝遊登臨盡道冠南州面分列嶂環羣秀

坐看雙溪會一流斜納朝暉長易旦逆消暑氣每先秋  
更傳寶劍深潭近半夜寒光射斗牛

冷風閣

勝槩天成所得偏一來登覽興飄然拂雲欄  
隔水樓臺畫幅全隱隱歸舟搖落日悠悠飛鳥破孤烟  
冷風可御非虛目况是層巒對演仙

題尤溪縣林平鋪壁

前歲方離蜀道難崎嶇今日過黃山自嗟使事殊無補

祇向塵途歷險難

題黥淡灘

慎操舟楫度危灘  
脫險從安反掌間  
豈似俗流爭利達  
難防笑貌伏波瀾

將到富沙寄世美同事

判袂于今涉五旬  
馳驅無復寓書頻  
險途頓失徃還倦  
高誼却忻朝夕親  
近事欲蘄祛蔽塞  
新吟應許和清純  
富沙此去無多地  
先走詩筒致所陳



和劉公舒見示生日詩

衰遲何幸住佳章  
遠引吾宗及漢唐  
戶掛桑蓬當日喜  
毫揮珠玉此時光  
欣臨愛景披辭藻  
怯向清飈動鬢霜  
松柏由來交茂悅  
願回善頌歲寒芳

和李世美見寄蕪送推官宰彭澤

北風傳曉角宿霧鎖寒城  
秣馬登途早將雛振羽輕  
一經承祖訓百里做官箴  
多謝龍門秀貽詩壯去程

又和道中書事奉懷

同日分携去先期掉鞅迴馳情隨道遠殘歲怯春催客  
舍驚新柳山城嘆落梅佳篇慰翹望還馭過王臺

和劉守正月十日新茶

乳霧浮浮啜新茗祗疑春自整原來開筵人日踰三晝  
試焙申年第一杯首面光肥香已透輔車津潤味全回  
不須七盃清風至滿腋依稀在楚臺

和正月十七日攜具見約

遠宦隨時且自娛看看受代又脂車燃燈初過忘岑寂

極日相從接緒餘  
瘴霧催花錦零落  
春風吹鬢雪稀疎  
追懷古語成新詠  
萬事無非酒破除

又和

著處山川秀可娛  
何妨投隙數驅車  
韶華已過三分一  
歲律纔經半月餘  
北海樽壘雖自滿  
東陽篇詠不宜踈  
惟愁南國春多雨  
誰把繁陰為掃除

和世美以前韻惠詩

東亭清集幸相娛  
暮角聲休尚柅車  
冷淡蓮光燈夕後

微茫挂魄雨天餘  
交談自喜高情合  
投老還嗟樂事踈  
况是離懷起朝夕  
好憑樽酒豫驅除

南園正月二十三日見牡丹因翦分送而公舒太

守以詩為報遂次來韻

上元八日冒輕寒  
翦送南園兩牡丹  
為我果然興絕唱  
知君不作等閒看  
香餘瑤檻春猶淺  
詠入華牋墨未乾  
更說僧坊曾寄植  
縱觀須待解征鞍

和世美行役不與貢第一茶

採鳳團龍貢紫宸今年斗柄僅離寅  
四千里望中天闕  
第一番題北苑春拜表盡恭初遣使  
乘輶還念未歸人  
太平歲集梯航獻山岳何如此效珍

又和督決囚

旰食憂民睿思焦默懷時雪滯層霄  
十行新下寬囚詔  
諸道交馳奉使輶縲紲稀踈至恩  
浹旄倪歡感大鈞調  
宣揚德澤慙綿弱但採堯民擊壤謠

和劉守以詩約賞南園牡丹

閒花浪藥謾芬敷滿檻妖韶體自殊且看淡紅隨分有  
須知絕品此中無剪愁魏國摻摻手辨怯齊門一一竽  
已埽幽亭待清賞更煩佳句預相娛

別劉公舒

閒關杖節使全閩何幸邦侯遇故人談笑一樽時得暇  
謳歌千里政如春解攜白髮情非昔贈別清篇思入神  
却想萍蹤流未遠會看飛詔趣朱輪

出閩境永豐道中

去暮愁行泗州嶺清晨喜見江東山二年巡按勞南走  
盡室安全慶北還負弩兵迴喧渡口插秧人看立田間  
却嗟奉使無裨補征返徒添兩髻斑

道中聞鶯

棲止垂楊最上枝綠絲深罩鬱金衣也知行客留心聽  
弄盡新聲始肯飛

水碓

杵臼功能自古施更堪引水代人為誰知滿溢傾欹處

却是臨機效力時

滕龍圖挽詞

踐歷清華四十年老成忽逝逝波遷鹽梅未展和羹效  
裘帶終淹分闡權忠義長為古人比功名固有史臣傳  
不材曾附風雷末遠寓哀辭倍泣然

送孫聖微同年赴浙漕

當時折桂共雲梯四十餘年跡久睽白首為郎方接武  
繡衣出使又分携放船汴水寒猶淺跋馬都門日欲低



遠想清風播仁聞融融先滿浙東西

雄勝東南越與吳光華使節暫馳驅比年郡邑多疲俗  
今日朝廷用老儒固有風聲鎮媮薄何妨膏澤慰焦枯  
公餘且盡登臨興嚴召終難緩走趨

張大資挽詞

崢嶸儀貌國輝光曾與明堂作棟樑  
顛面鉅藩方偃息間生英氣忽飄揚  
文章絕筆星辰晦德業遺芳簡冊香  
不以修齡畀賢傑傷嗟無處問蒼蒼

熙載功成鬢未華  
蕃宣屢易見褒嘉  
鳳池舊別經年久  
鶴馭新乘去路賒  
哀挽聲悽霜月冷  
銘旌影轉曉風斜  
故山歸葬依先壠  
千古悠悠賢世家

送莫和中刑部致仕歸吳興

司刑華省健精神  
容易飛章便乞身  
未老先休多有志  
似君勇退幾何人  
安車漸遠京塵路  
歸棹仍追雪水春  
而我區區尚持祿  
自慚鄉境謾為鄰

大行太皇太后挽詞

德業高千古憂勤盡九年捲簾將復辟弛衛忽登仙飲  
泣均中外流恩在幅員春風低挽唱幽咽厚陵邊

臨朝扶聖治盛烈掩姜任壽享堯齡淺哀添舜慕深靈  
衣粲翬翟謚冊刻球琳仰望軒星晦悽愁萬國心

和劉公儀郎中對雪

九陌塵埃變玉沙雲中雙闕陋仙家豐年欲啓三登兆  
大巧先裁六出花高卧洛陽逢汲引雄文梁苑動吁嗟  
郎闈自愧徒溫飽坐擁炎爐歎歲華

和劉公儀省宿呈同舍

夜宿冰廳愁解衣南宮正是苦寒時  
窻含積雪猶明几  
爐撥殘煤始捲帷無所忸怩當俯仰  
不須容易嘆衰遲  
更為佳句貽同舍使我揮毫羨色絲

次夕宿省再用前韻呈同舍

凜烈寒威著寢衣中臺獨宿夜分時  
郎潛已嘆斑馮鬢  
幼學空思下董帷直舍孤燈生暈淺  
禁垣清漏送聲遲  
何年追語今宵事笑向江湖理釣絲

再次韻和公儀所示

恣恣下馬脫朝衣  
夜直儀曹歲晏時  
香穗縈回清一榻  
燭花明媚耀重帷  
詩成白雪音難和  
夢斷黃梁熟已遲  
見說遲明還剡奏  
懇求宮鑰待言絲

和公儀索和詩

唱酌三峽浪  
飛花敏捷曾蒙秀句誇  
為感來篇驚歲暮  
因成閣筆待春華  
見斑固已慙窺豹  
失酒當須鑿畫蛇  
鄙思強抽追險韻  
還如策蹇度褒斜

又和憶小園梅花

為憶新梅發舊枝  
勇操吟筆對晴暉  
幽香不到青綾被  
冷豔應迷白羽衣  
忽忽屢經春色改  
紛紛或傍笛聲飛  
祇疑渴想高情劇  
頗向冰廳有夢歸

和喻明仲題純粹大師虛一軒詩

聞說琳公最佳處  
榜題虛一一軒清  
逍遙羽客真高隱  
曠達星郎肯謾名  
琴挂無絃藏至樂  
爐存微火鎖長生  
未能投步資閒適  
聊和新詩託寄聲

和陳圖南見喜權金部

綠槐經午轉庭陰  
投隙相過省闥深  
且喜清談共揮麈  
莫嗟白髮各盈簪  
鄰曹尚幸聯官樂  
兼局那辭冗事侵  
更辱高吟叙情舊  
侑歡何必濁醪斟

又次韻

詩將爭功定繹騷  
堂堂風格等劉曹  
高情迭唱通三歎  
險語相先較一毫  
酷暑俄驚變滿洒  
噪蟬何敢助雄豪  
嗟予老拙慵牽強  
養勇終憐不目逃

送孔彥常待制赴宣城

宣城從古號名城  
新拜除書擁旆旌  
剡奏屢傳求外補  
偃藩整得遂高情  
虎符南國先聲重  
鷓首秋江去意清  
最好茄鏡將壓境  
敬亭山色遠相迎

又和義夫學士

開府南陵氣序秋  
翠屏千壘對岑樓  
力宣膏澤均千里  
坐賞溪山冠十州  
小謝篇章耐吟諷  
謫仙蹤跡自風流  
公餘好盡登臨興  
應誚區區宋玉愁



胡右丞挽辭

石轄辭榮重寄分却趨召節造天闈表儀八座方尊德  
悃幅連章乞偃藩將見辨嚴離鳳闕忽傳感疾自鷓原  
公薨不及期頤壽至理冥冥豈易論

鄧左丞開府挽辭


學術材猷間世資進登丞轄僅踰時壽非德稱天何恡  
命與心違古所悲一品衰榮加贈典九重震悼輟班儀  
靈輿還葬從先壠嗚咽秋風薤露辭

和盛中叔侍郎齋宿唱酬

誰謂南宮夜直頻宿齋清集迴難親翌朝唯幸窺新什  
三紀尤欣叙古人共慶球琳已華國獨慙檮散謾先春  
更將鄙句追詩戰益耻弣弓託負薪

嘗進酒

昔年北苑試龍茶似陟雲霄飲露華今日禮曹嘗御酒  
又疑塵跡到仙家自知衮衮官身幸莫向區區俚耳誇  
此段出於尸祿外支離形德更何加



錢塘集卷六